

exercitum comparatæ, simul ac hiemis asperitas in vernum se tempore induit, ad obsidendum Monclerium proficisciatur. Mense Aprili igitur copiis in unum venire jussis Maji mense arcem obsidione cingit. Inde villam Hammanam navali adparatu facta impressione occupat. Hic turrim insigni opere præsidioque communitam in vicino locat, quam Grineci vocabulum ferre voluit. Deinde bellicum arci Monclericæ terrorem admovens omni genere telorum oppugnare jussit. Verum, qui insidebant impigre se terrasque ac propugnacula defententibus, Treviri cum clade repulsi sunt. Hartardus Schoneci dominus armorum præfectus in ea oppugnatione saxorum impulsu collitus sagittaque vulneratus in brachio vix ob solis æstum thorace galeaque strictus prælium sustinebat. Tandem dominus Baldewinus, exercitu commisso, confluentiam properavit.

Hinc ad exercitum reversus variis operibus oppugnationi Monclerii institit, callidis ad edomandos obsessorum animos industriæ commentis usus. Rupes erat invia turri muroque ex parte circummunita, qua unus militi ascensus ad expugnandam arcem aditusque patiebat. In hanc, ut eniti quidem res non magni certaminis ingenti tamen discrimine loco præcipiti atque abrupto ad altitudinem mœnum armatis erat penetrandum. Quamobrem Balduinus cernens non facere vim apertam, conductis mercede fabris alios sudes stipitesque et arborem truncos pice malleolis aliisque flammarum fomentis illitos adparare, alios rupem minuere et qua irruptionem parabat, saxa malleis cædere jussit,